



«Հաստատում են»  
ՖՖՖ առաջին փոխնախագահ,  
գործադիր տնօրեն

Ա. Մինասյան  
17.10.2012թ.

**ԿԱՆՈՆԱԿԱՐԳ**  
ՀՀ ՖՈՒՏԶԱԼԻ 2012թ. Մ-16 ՄՐՑԱՇԱՐԻ

Հոդված 1. Կարգավորման շրջանակները

1. Սույն կանոնակարգով կարգավորվում են՝
  - ՖՖՖ-ի կողմից անցկացվող ֆուտզալի պատանեկան մրցաշարի կազմակերպման և անցկացման գործընթացը,
  - մրցաշարին մասնակցելու կանոնները,
  - ֆուտբոլային սուբյեկտների իրավունքները, պատասխանատվությունն ու իրավահարաբերությունները:

Հոդված 2. Մրցաշարի նպատակը

1. Նպաստել երեխաների ֆիզիկական պատրաստականության զարգացմանը:
2. Նպաստել պատանեկան ֆուտզալի հետագա զարգացմանը:

Հոդված 3. Մրցաշարի ղեկավարումը

1. Մրցաշարի ղեկավարումն իրականացնում է ՖՖՖ-ն, որը մասնավորապես՝
  - հաստատում է մրցաշարի կանոնակարգն ու խաղացանկը,
  - իրականացնում է թիմերի հայտավորման ընթացակարգը,
  - կազմակերպում է խաղերը և իրականացնում դրանց հսկողությունը,
  - ամփոփում և հաստատում է մրցաշարի արդյունքները,
  - իրականացնում է մրցանակակիրների պարգևատրումը,
  - իրականացնում է այլ գործառույթներ:
2. Մրցաշարին կարող են մասնակցել այն կազմակերպությունների, մարզադպրոցների /այսուհետ՝ Ակումբներ/ թիմերը, որոնք ընդունում են ՖԻՖԱ-ի, ՌԵՖԱ-ի, ՖՖՖ-ի

- հիմնարար սկզբունքները և պարտավորվում են կատարել վերոնշյալ մարմինների և սույն կանոնակարգի պահանջները:
3. Մրցաշարին ցանկացող մասնակցել Ակումբները գրավոր հաստատում են իրենց մասնակցությունը մինչև ս/թ հոկտեմբերի 19-ը ՀՀ ներկայացնելով սահմանված կարգի հավաստագիր:

#### Հոդված 4. Մրցաշարի անցկացման կարգը

1. Խաղերն իրականացվում են համաձայն «Ֆուտզալ խաղի կանոնների»:
2. Մրցաշարը անցկացվում է 2 շրջանով /թիմերը հանդիպում են միմյանց հետ սեփական և մրցակցի մարզադահլիճներում/:
3. Մարզադահլիճները պետք է ընդունված լինեն ՀՀ-ի կողմից:
4. Հանդիպումն այլ մարզադահլիճ տեղափոխելու համար հյուրընկալող Ակումբը պարտավոր է գրավոր դիմել ՀՀՖՖ՝ հանդիպումից ոչ ուշ քան 2 օր առաջ:
5. Ակումբը պատասխանատվություն է կրում ֆուտբոլիստների առողջական վիճակի համար:

#### Հոդված 5. Թիմերի դասակարգումը մրցաշարային աղյուսակում

1. Թիմերի գրաված տեղերը մրցաշարում որոշվում է ըստ վաստակած միավորների՝ հաղթանակի համար 3 միավոր, ոչ-ոքի համար 1 միավոր, պարտության դեպքում միավոր չի տրվում:
2. Երկու և ավելի թիմերի միավորների հավասարության դեպքում առավելությունը տրվում է այն թիմին, որը հավակնորդ թիմերի հետ խաղերում՝
  - 2.1 վաստակել է ավելի շատ միավոր,
  - 2.2 ունի խփած և բաց թողած գնդակների լավագույն տարբերություն:
  - 2.3. Բոլոր խաղերում ունի խփած և բաց թողած գնդակների լավագույն տարբերություն:

#### Հոդված 6. Խաղերի կազմակերպումը, ֆուտբոլիստների մասնակցությունը

1. Թիմերի ներկայացուցիչները պարտավոր են խաղը սկսելուց ոչ ուշ քան 35 րոպե առաջ խաղի լրացված ու ստորագրված արձանագրությունը և մասնակիցների քարտերը հանձնել 3-րդ մրցավարին: Քարտերը վերադարձվում են խաղից հետո:
2. Մարզադահլիճում բժշկական օգնության և անվտանգության ապահովման պատասխանատվությունը կրում է հյուրընկալող Ակումբը:
3. Խաղասկզբին՝ բուժօժանայության /բժշկի/, ոստիկանության աշխատակիցների համապատասխան թվակազմի /համազգեստով/ բացակայության դեպքում խաղը չի անցկացվում:
4. Խաղի ընթացքում տեխնիկական գոտում գտնվելու իրավունք ունեն միայն արձանագրությունում նշված անձինք:
5. Թիմը համարվում է խաղին «չներկայացած» եթե չի տեղեկացրել տեսուչին ուշացման պատճառի մասին և խաղասկզբին չի ներկայացել: Տեղեկացնելու դեպքում կարող է խաղասկիզբը հետաձգվել ոչ ավել քան 30 րոպե:
6. Խաղի արձանագրությունում լրացվում են ոչ ավելի քան 12 ֆուտբոլիստի և 3 պաշտոնյայի տվյալներ: Արձանագրությունում նշվում են այն ֆուտբոլիստների և պաշտոնյաների անունները որոնք ունեն տվյալ մրցաշարի մասնակցի անձնական քարտ (հայտավորված են):

7. Չհայտավորված, որակագրված, արձանագրությունում չնշված ֆուտբոլիստին խաղին մասնակից դարձնելու պատասխանատվությունը կրում է Ակունբը՝ անկախ ֆուտբոլիստի խաղին մասնակցելու ժամանակահատվածից:
8. Մրցաշարի խաղերին դարպասացանցերը պարտադիր են: Պատշաճ դարպասացանցեր չլինելու դեպքում խաղը չի անցակցվում:

## 7. Խաղերի սպասարկման իրականացումը

1. Խաղերի անցկացման համար ՀՖՖ-ի մրցավարական բաժինը նշանակում է սպասարկող խումբ՝ մրցավար, 2-րդ մրցավար, 3-րդ մրցավար, ժամանակաչափորդ և տեսուչ:
2. Յուրաքանչյուր խաղից 1 ժամ առաջ հանդիպման տեսուչի ղեկավարությամբ անցկացվում է նախախաղային խորհրդակցություն, որին մասնակցում են խաղը սպասարկող մրցավարական խումբը, մարզադահլիճի տնօրինության ներկայացուցիչը, մրցակից թիմերի ներկայացուցիչները, ոստիկանության ներկայացուցիչը: Ոստիկանության ներկայացուցչի մասնակցությունը նախախաղային խորհրդակցությանը ապահովում է հյուրընկալող թիմը /Ակունբը/:
3. Մարզահագուստի գույների համընկնման դեպքում մարզահագուստը փոխում է հյուրընկալող /դաշտի տեր/ թիմը:
2. Սպասարկող խմբին արգելվում է խաղին մեկնել (վերադառնալ) տվյալ խաղի մասնակից թիմերից որեւէ մեկի հետ:
3. Մրցավարը և/կամ 3-րդ մրցավարը պատասխանատու են արձանագրություններում ընդգրկված ֆուտբոլիստների մասնակցության քարտերի իսկության համար:
4. Նախախաղային խորհրդակցությունից առաջ մրցավարը եւ տեսուչը պարտավոր են ստուգել խաղահրապարակը: Խաղը անցկացնելու վերջնական որոշումը կայացնում է մրցավարը:
5. Խաղի տեսուչի բացակայության դեպքում մրցավարը պարտավոր է կատարել խաղի կազմակերպման և անցկացման հետ կապված բոլոր գործառնությունները:
6. Խաղից հետո մրցավարը պարտավոր է արձանագրությունը ներկայացնել ՀՖՖ ոչ ուշ քան մինչեւ խաղին հաջորդող աշխատանքային օրվա ժամը 12:00:
7. Խաղից առաջ, խաղի ժամանակ, ընդմիջմանը, խաղից հետո տեղի ունեցած արտակարգ դեպքերի մասին մրցավարական խմբի անդամները պարտավոր են ՀՖՖ ներկայացնել զեկուցագրեր ոչ ուշ քան մինչեւ խաղին հաջորդող աշխատանքային օրվա ավարտը:
8. Խաղի կազմակերպման ընդհանուր պատասխանատուն տեսուչն է: Որևէ թիմի խաղից ուշանալու, ինչպես նաև կազմակերպչական խոչընդոտների պարագայում, խաղասկզբի և խաղի անցկացման վերաբերյալ որոշումը կայացնում է տեսուչը:
9. Տեսուչը պարտավոր է Խաղի վերաբերյալ բողոքարկման պաշտոնական հայտարարության դեպքում, խաղից անմիջապես հետո տեղեկացնել մրցակից թիմին:
10. Մրցող թիմերը տեխնիկական գոտում պետք է ներկայացված լինեն հայտավորված պաշտոնյաներով: Առանց թիմի պատասխանատու պաշտոնյայի խաղը չի անցկացվում:

## Հոդված 8. Մրցումների մասնակիցների հայտավորումը և վերահայտավորումը

1. Թույլատրվում է հայտավորել 3 ղեկավար և մինչև 20 ֆուտբոլիստ՝ ծնված 1997-1999թթ.:
2. Մասնակից թիմերի հայտավորման ժամկետը սկսվում է 10 օր և ավարտվում է 2 օր մրցաշարը սկսվելուց առաջ:

3. Հայտավորման ժամկետից հետո փոփոխությունները թիմերում կատարվում են վերահայտավորման միջոցով՝ յուրաքանչյուր վերահայտավորվող ֆուտբոլիստի համար 1000 դրամ մուծելու դեպքում:
5. Մասնակիցների հայտավորման, վերահայտավորման համար լրացվում է ՀՖՖ-ի կողմից սահմանված թերթիկը:
6. Թերթիկում պարտադիր լրացման ենթակա են՝
  - ա. Ակումբի անունը,
  - բ. Հայտավորվող ֆուտբոլիստների ցուցակը / առաջին մասում /, այդ թվում՝
    - անձնական համարը ըստ ՀՖՖ-ի գրանցման
    - ազգանունը, անունը
    - հայտավորման ենթակա պաշտոնյաների ցուցակը / երկրորդ մասում /, այդ թվում, բացի նախորդ 2 կետերից, լրացվում է նաև անձի պաշտոնը ակումբում /թիմում /
  - գ. Ակումբի, ղեկավարի ազգանունը ստորագրությունը՝ կնքված ակումբի կնիքով, հայտի ՀՖՖ ներկայացման ամսաթիվը:
  - դ. Թերթիկը պետք է լինի հստակ ընթեռնելի, ցանկալի է մեքենագրված:
7. Եթե վերահայտավորվող անձը նույն մրցաշարում եղել է հայտավորված մեկ այլ թիմում, ապա վերադարձվում է նախորդ թիմում ստացած մասնակցի քարտը:
8. Ակումբի պաշտոնյաների վերահայտավորումը ժամկետային սահմանափակում չունի և անվճար է:

### Հոդված 9. Պարգևատրում

1. Առաջին տեղը գրաված թիմին շնորհվում է «Ֆուտզալի Հայաստանի մինչև 16 տարեկանների մրցաշարի հաղթողի» կոչումը: Թիմը պարգևատրվում է դիպլոմով: Թիմի ֆուտբոլիստները, ղեկավար կազմը պարգևատրվում են հուշադիպլոմներով:
2. Երկրորդ և երրորդ տեղերը գրաված թիմերը, ֆուտբոլիստները, ղեկավար կազմը պարգևատրվում են հուշադիպլոմներով:
3. Մրցաշարի ռեֆարկուն և լավագույն ֆուտբոլիստը պարգևատրվում են ՀՖՖ-ի դիպլոմներով և հուշանվերներով: Մրցաշարի լավագույն ֆուտբոլիստը ընտրվում է ՀՖՖ լրատվական ծառայության հարցման միջոցով:

### Հոդված 10. Այլ դրույթներ

1. Սույն կանոնակարգը ուժի մեջ է մտնում հաստատման պահից և գործում է մինչև մրցաշարի ավարտը:

**ՄԿԱ բաժնի ֆուտզալի և կանանց ֆուտբոլի բաժանմունք**